



**Äntwert vun der Finanzministesch op d'parlamentaresch Fro n°8383 vum 17. Oktober 2023
vun dem éierewäerten Deputéierten Här Sven CLEMENT iwwert "Steiererklärungen"**

Knapp zwee an en hallwe Méint virum Oflaf vum legalen Delai vum 31. Dezember 2023 fir d'Erareeche vun de Steiererklärungen, woren bei de physesche Persounen 168.357 a bei de Kollektivitéiten 41.239 Steiererklärunge vum Steuerjoer 2022 erakomm. Dat heescht datt ronn 48% bei de physesche Persoune respektiv ëm déi 65% vun de Steiererklärunge bei de Kollektivitéite vum Steuerjoer 2022 nach net dobanne woren.

Doduerch datt de legalen Delai vum 31. Mäerz op den 31. Dezember no hanne verréckelt ginn ass, huet sech d'Verhale vum Steuerpflichtegen, wann och nëmme liicht, verännert. Et si wuel manner Steiererklärungen erakomm wéi soss zu dësem Zäitpunkt am Hierscht mee de Steuerpflichtegen huet jo och nach Zäit fir deem no ze kommen.

D'Steierverwaltung huet ee gudden Deel vun de Steiererklärunge vum Steuerjoer 2022 scho besteiert a konnt och hir Retarde besser opschaffe wéi d'Jore virun, dëst awer och bedéngt doduerch datt d'Steierverwaltung duerch Personal opgestockt ginn ass.

De 15. November 2023 kréien all d'Contribuabelen, déi bis dohinner hirer Steuerpflicht nach net nokomm sinn, ee Rappel geschéckt wou d'Steierverwaltung si drop hiweist an drun erënnert, datt den Delai fir d'Erareeche vun hirer Steiererklärung den 31. Dezember 2023 ass.

Lëtzebuerg, den 10. November 2023

D'Finanzministesch

(s.) Yuriko Backes